



Postea legit rescriptum ex audientia a Summo Pontifice concessa card. a Secretis Status. Secretariatus ad unitatem christianorum fovendam ceteris commissionibus conciliaribus aequiparatus est.

Post breve intervallum, secretarius generalis annuntiavit initium examinis schematis *de sacra Liturgia*.

Card. Arcadius Larraona, praeses commissionis, incepit relationem, quam P. Ferdinandus Antonelli O.F.M., ipsius commissionis secretarius, ex ambone perlegit.

Relatione expleta, disceptatio de schemate in genere incepta est.

Praeses ex ordine ad loquendum vocavit cardd. Ioseph Frings, arch. Coloniensem, Ernestum Ruffini, arch. Panormitanum, Iacobum Lercaro, arch. Bononicensem, Ioannem B. Montini, arch. Mediolanensem, Franciscum Spellman, arch. Neo-Eboracensem, Iulium Döpfner, arch. Monacensem et Frisingensem, Petrum Tatsuo Doi, arch. Tokiensem, Radulfum Silva Henriquez, arch. S. Iacobi in Chile; Paulum II Cheikho, patr. Babylonensem Chaldaeorum, Aegidium Vagnozzi, arch. tit. Myrensem, delegatum ap. in Statibus Foederatis Americae Septentrionalis, Dionysium Eugenium Hurley, arch. Durbanianum, Guilford Young, arch. Horbatensem, Aloisium Del Rosario, arch. Zamboangensem, Ioannem B. Scapinelli di Leguigno, arch. tit. Laodicensem ad Libanum, Henricum Dante, arch. tit. Carpasiensem, Fidelem García Martínez, ep. tit. Sululitanum, Vilelmum Kempf, ep. Limburgensem, Laureanum card. Rugambwa, ep. Bukobaensem, Carolum Saboia Bandedeira de Mello, ep. Palmensem, Alfonsum M. Ungarelli, ep. tit. Azurensem, prael. nullius Pinerensem, Ioannem Hervás y Benet, ep. tit. Doritanum, prael. nullius Cluniensem.

Hora 12 S. Evangelium repositum est et praeses recitavit preces *Angelus Domini... Agimus...* Indicata per secretarium generalem proxima congregatione in diem 23 octobris, coetus dimissus est.

## V

Congregatio generalis quinta habita est die 23 octobris, feria III, hora 9 ante meridiem. Interfuerunt 2.363 Patres, nempe 76 cardinales, 8 patriarchae, 9 primates, 426 archiepiscopi, 1.732 episcopi, 11 abbates nullius, 12 praelati nullius, 89 superiores generales.

P. D. Ioannes Krol, arch. Philadelphiensis Latinorum, ritu romano Missam votivam de Spiritu Sancto celebravit.

Chorus Cappellae Sixtinae exsecutus est cantus: *Da pacem* (Bartolucci), *O salutaris hostia* (Bartolucci), *Crux fidelis*.



Missa absoluta, secretarius generalis, P. D. Pericles Felici, arch. tit. Samosatensis, monuit: *Exeant omnes*.

P. D. Ioannes Villot, arch. tit. Bosporanus, coadiutor c.i.s. Lugdunensis, sollemniter S. Evangelii codicem ad altare detulit et super paratum thronum statuit.

Card. Franciscus Spellman, primi praesidis munere fungens, precem *Adsumus...* legit.

Dein secretarius generalis ex ambone proclamavit nomina illorum, qui suffecerunt sodales in aliis commissionibus iam partem habentes, scil. in commissione de Ecclesiis Orientalibus, P. D. Matthaeus Kavukatt, arch. Changanacherrens, loco P. Theodori Minisci; in commissione de fidelium apostolatu, de scriptis prelo edendis et de spectaculis moderandis, P. D. Thomas Morris, arch. Casheliensis, loco card. Stephani Wyszyński.

Dein explicationes dedit de ratione procedendi in schematum examine. Huiusmodi explicationum translationes in linguas vernaculas (hispanicam, gallicam, anglicam, germanicam et arabicam) a subsecretariis lectae sunt.

Idem secretarius generalis communicavit schematum exemplaria dari posse tantum Patribus, qui illa forte nondum accepissent.

Inde disceptatio prosecuta est circa schema *de sacra Liturgia* in genere. Ex ordine locuti sunt cardd. Alfredus Ottaviani et Ioseph Ritter, arch. S. Ludovici; Armandus Fares, arch. Catacensis et ep. Squillacensis, Hyacinthus Argaya Goicoechea, ep. Mindoniensis-Ferrolensis, Hermannus Volk, ep. Moguntinus, Sergius Méndez Arceo, ep. Cuernavacensis, Ioseph D'Avack, arch. Camerinensis, Garabed Amadouni, ep. tit. Amathusius in Cypro, exarcha ap. Armenorum in Gallia.

Iuri loquendi renuntiarunt Vellelmus Bekkers, ep. Buscoducensis, Angelus Jelmini, ep. tit. Thermensis, adm. ap. Lukanensis, Bernardinus Echeverria, ep. Ambatensis.

Hora 10,55 disceptatio generalis circa schema *de sacra Liturgia* finita est et secretarius generalis communicavit Summum Pontificem concedere ut Patres, qui a Concilio ob grave motivum, praesertim pastorale, abesse deberent, posse id secretariae generali significare et abire.

Dein incepit disceptatio circa prooemium et caput I schematis *de sacra Liturgia*, quorum initia secretarius generalis legit. Rogavit etiam Patres ut orationes in materiae limitibus continere vellent.

Praeses ad loquendum ex ordine vocavit cardd. Ernestum Ruffini, arch. Panormitanum, Iacobum de Barros Câmara, arch. S. Sebastiani Fluminis Ianuarii, Mauritium Feltin, arch. Parisiensem, Iacobum Franciscum McIntyre, arch. Anglorum in California, Paulum Aemilium Lé-



ger, arch. Marianopolitanum, Vilelmum Godfrey, arch. Westmonasteriensem, Ioannem Landázuri Ricketts, arch. Limanum, Michaëlem Browne; Maximum IV Saigh, patr. Antiochenum Melchitarum.

Veniae loquendi renuntiarunt cardd. Beniaminus de Arriba y Castro, arch. Tarraconensis, Ioannes d'Alton, arch. Armachanus, Laureanus Rugambwa, ep. Bukobaensis.

Hora 12,30 S. Evangelii codice reposito, praeses preces *Angelus... Agimus...* recitavit. Intimata proxima congregatione generali die 24 octobris habenda, Patres dimissi sunt.

## VI

Congregatio generalis sexta habita est die 24 octobris, feria IV, hora 9 ante meridiem. Interfuerunt 2.337 Patres, nempe 77 cardinales, 8 patriarchae, 9 primates, 421 archiepiscopi, 1.714 episcopi, 11 abbates nullius, 12 praelati nullius, 85 superiores generales.

Missam celebravit ritu byzantino-melchita P. D. Philippus Naba, arch. Berytensis et Gibailensis Melchitarum, una cum duobus superioribus generalibus, ministrante diacono graeco. Patribus distributum est opusculum: *La divina Liturgia di S. Giovanni Crisostomo*.

Chorus Pontificii Collegii Graeci in Urbe exsecutus est cantus.

Sacrum ritum P. D. Neophytus Edelby, arch. tit. Edessenus in Osrhoëne Melchitarum, interim elata voce significabat.

Missa expleta, secretarius generalis, P. D. Pericles Felici, arch. tit. Samosatensis, intimavit: *Excant omnes*.

S. Evangelii codicis inthronizatio facta est a P. D. Ioanne Krol, arch. Philadelphensi Latinorum.

Card. Henricus Pla y Deniel, arch. Toletanus, munere primi praesidis fungens, precem *Adsumus...* recitavit.

Deinde secretarius generalis, proclamato nomine praesidis congregationis, nuntium dedit mortis P. D. Aston Chichester S. I., arch. tit. Valebusdiensis, qui, ad aulam S. Concilii pergens, improviso morbo correptus, dum ad nosocomium vehitur, supremum diem obiit. Praeses recitavit *De profundis...* Dein prosecuta est disceptatio de prooemio et cap. I schematis *de sacra Liturgia*.

Successive ad loquendum vocati sunt cardd. Eugenius Tisserant, ep. Portuensis et S. Rufinae, Valerianus Gracias, arch. Bombayensis, Augustinus Bea, Antonius Bacci, Albertus Meyer, arch. Chicagiensis; Petrus Van Lierde, ep. tit. Porphyriensis, Ioannes McQuaid, arch. Primas Dublinensis, Ioseph Descuffi, arch. Smyrnensis, Alexander Gonçalves